



ЖАҢА ҒИМАРАТТАҒЫ "АЛҒАШҚЫ ҚОҢЫРАУ"

2002 жылдың 31-тамызы Глубоко ауданының жұртшылығы үшін есте қаларлық күн болып қалатыны сөзсіз. Неге десеңіз, аудан орталығындағы кентте қазақ орта мектебіне арналып бой көтерген жаңа ғимараттың ашылу салтанаты "Алғашқы қоңыраумен" орайластырыла өткізілді.

Жалпы, Глубоко кентінде (тілді аудан көлеміндегі) тұңғыш қазақ тілді орта мектеп ашылып, жұмыс істегелі бес-алты жылдың жүзі болған. Алайда, мектепке арналған дайын ғимарат болмағандықтан ол балабақша үйінде жұмыс жүргізген. Ауданға соңғы он

жыл көлемінде облысымыздың қазақ аудандарынан көптеген қазақ отбасылары кешіп келе бастады. Глубоконың облыс орталығына жақындығы, жерінің құнарлылығы, ең негізгісі - жұмыс табу мүмкіндігінің молдығы ауыл қазақтарын өзіне магниттей тартқан.

Міне, қос қабатты, қазақтың біртуары Оралхан Бөкей атындағы жаңа мектеп ғимаратының ашылу салтанаты басталып та кетті. Көгілдір лентаны аудан әкімі А. В. Гречук пен Қазақстан Республикасының еңбек сіңірген ұстазы Қанила Бітібаева қиды. Шашу шашылды. Іле-шала құттықтаушылар легі шықты.

Осы 320 орындық ғимаратты іргетасынан бастап, ішкі жөндеу жұмыстарымен түгел аяқтап шыққан арнайы құрылыс жөндеу жауапкершілігі шектеулі серіктестіктің құрылтайшылар директоры Запашков Петр Викторович мектептің кілгің мектеп директоры Төлеухан Қабдолдиновке табыстады. Оралхан Бөкейдің жиені Клара Нұржақыпқызы тебірене сөйлеп, өз атынан мектепке магнитофон, жүзден астам қазақша көркем шығарма кітаптарын сыйлады.

"Алғашқы қоңырау" соғылды. Мектептің есігі айқара ашылды.

Мектеп шынында да

тамаша екен. Салтанатқа арнайы келген облыстық білім департаментінің бастығы Светлана Ивановна Ферхо мұндай ғимараттың облысымызда некен сағк өкендігін айтты. Кен де жарық, жаңа мебельдермен жабдықталғанын бәлмелері, биік те көлемі ат шаптырым спорт залы...

Басшылардың айтуына қарағанда, қазіргі күні осы ғимаратқа деп бөлінген қаржының 70 миллионы игеріліпті. Ендігі 32 миллионы мектепке қажетті құрылыстар салуға, төңірегін саулеттендіруге жұмсалады деп күтілуде екен.

Салтанат соңы ән-күйге

ұласты.

"Әкім бол, халқына жақын бол" деген тіркесті соңғы кезде жиі қолданатын боп жүрміз. Халыққа жақын болу дегеніміз сол елдің талап-тілегіне орай беріле қызмет ету шығар. Артында елің айта жүрер ізгілік белгісін қалдыру болар. Міне, басқа ауданға әкім боп ауысқан Марат Әкірамов сынды азаматқа айтылған жұртшылық алғысы осы салтанаттың өзегі болды.

Әлібек ҚАҢТАРБАЕВ.

СУРЕТТЕРДЕ: салтанаттан көріністер.

Суреттер
Е. ОРЫНБАЕВТІКІ.